



Iturria: *Bilintx. Indalecio Bizkarrondo. 1831-1876. Bizitzu eta bertsoak*, Bilintx (Antonio Zavalaren edizioa). Sociedad Guipuzcoana de Ediciones y Publicaciones, 1978.

Klasikoen Gordailuan:

<http://klasikoak.armiarma.com/idazlanak/B/Bilintx.htm>

## BERTSO GUZTIAK

### Bilintx

Klasikoen Gordailuak egindako lanak oro dominio publikokoak dira, eta, Jabego Intelektualaren Legearen arabera jatorrizko idazlanak bestelako eskubiderik ez baleuka, nahi bezala erreproduzi daitezke.

## Galop infernal

Onoko bertso-sail onek bi zati ditu. Lenengoan aditzera ematen denez, Iñauteri batzuetarako paratua da. Ta, bigarrengoan esaten denez, Iñauteri oiatarako dantza-tokia ta abar prestatzen asi ziranean, kontrario-  
ren bat edo beste izan zuten Bilintx eta bere lagunak; bañan ala ere ondo antolatu zituzten gauzak.

Bertso auk, argitaratutako paper batetik ditugu. Paper ori, Peñaflo-  
rida kondearen liburutegian-edo omen zegoan, eta gure eskueta-  
raño Donosti'ko Juan Arbelaitz ta Tolosa'ko Juan Jose Beloki jaun-  
en bitartez etorri zan.

Len adierazi bezela, moldiztegiak, Jaunari eskerrak eta gure mesede-  
tarako, urtea ipintzeko buruzbidea izan zuan: 1852. Guk ezagutzen ditu-  
gunetan, auk izango dira Bilintxen bertsorik zarrenak. Ogei ta bat urte  
zituan orduan; ondo gazterik asi zan, beraz, bertsogintzan.

Bertsoen azpian, egillearen firma: Vilinch. Ortik dakigu bertso auen  
aita nor dan. Izengoiti ori nundik datorren, iñork ere ez daki gaur. Paper  
onetan azaltzen da, guk uste, lenengo aldiz. Bitatik bat izango da: bere  
aurrekoengandik zetorkiona edo oso gazterik berari erantsia.

**Antonio Zavala**



## Lagunkida fraternal'eko galaiak beren damari

### 1

Emakume maiteak,  
dantzara gurekin  
etortzen zeratenak  
borondatiakin,  
esan biaizutegu  
dezazuten jakin:  
dantzak bukatzen dira  
gaur gabekoakin.

### 2

Zuben dantzetan zegon  
gure alegriya,  
aitortzen dizutegu  
klaroan egiya;  
orain utzi biarrak  
zuben konpañiya,  
biotzeratzen digu  
tristura aundiya.

### 3

Pena ori degula  
biotzen betian,  
zubengandik biagu  
egon apartian,  
ez eunki osuan,  
ez ogei urtian,  
baizik eta Pazkuak  
etorri artian.

### 4

Itxoron biar degun  
denbora motzian,

pena franko izango da  
gure biyotzian;  
baña sartuko gera  
berriro pozian,  
gure naieko egun  
oiek etortzian.

### 5

Betoz ordu onian,  
datozenerako  
dantzako sala degu  
egoki parako;  
soñu politik ere  
etzaigu faltako,  
guziia ondo egin  
naiko degulako.

### 6

Orra, maite politik,  
klaro eman parte  
ez degula dantzarik  
gaizuma juan arte;  
lenengua noiz degun  
jakiñian zaute,  
faltatu gabetanik  
etorri zaitzte.



## Ziririkuak

### 1

Langilleen dantzetan  
izaten geranak,  
bost arratsetan pruebak  
dauzkagu emanak,  
gure kontra izketan  
aritu diranak,  
txit askoz engañatu  
dirala dianak.

### 2

Aiek guregaitan  
esan zutena da:  
«Barulloa sortzeko  
kuadrilla ona da!!!  
Neskatxa onradurik  
baldin juaten bada,  
lotsatuta kanpora  
irten biarra da.»

### 3

Baita ere gauza onik  
gurekin ez dala,  
jaungoiko Bako'k bere  
mendian gauzkala;  
ezagun da inbiriya  
prejitzan zautzela,  
etzenduten gezurrik  
sortuko bestela.

### 4

Eta segitu zuten  
lenago bezala,  
esanaz guziz gauza  
seguruba zala

adornatutzen gure  
dantzetako sala  
dama onradurikan  
izango etzala.

### 5

Oraindik deskontentu  
esan zutenakin,  
deskantsatu ziraden  
añaditubakin:  
«Alakorik batian  
biar degu jakin  
etxeratu zirala  
txandarme banakin.»

### 6

Dantzarako tokirik  
ote zegon nonbait,  
galdezka Donostiya'n  
asi giñan zenbait;  
uraxen topatzea  
kostatu zan zerbait,  
galarazi nayian  
bazebillen norbait.

### 7

Noiz ere bait topatu  
genduben tokiya:  
aduna zarreko  
zertegi aundiya;  
dudan gaude illa dan  
ero dan biziya,  
eskubetatik itzul  
egin zigun iya.

### 8

Nai baluteke ere  
orain defenditu,



lengo itzak lazuan  
 arrapatzen ditu;  
 gure dantzak pakian  
 dira despeditu,  
 aiek esantakorik  
 ez da suzeditu.

### 9

Orain gelditzen gera  
 guziz ditzosua,  
 irten geradelako  
 bitoriosua;  
 guk bezela esango du  
 Donosti osua:  
 Bost gezur sortzen ditu  
 inbiriosua!!!

### 10

Gure dantzara damak  
 polit onradubak  
 etorritzen dirade  
 guztiz apaindubak,  
 adornaturik ondo  
 gorputz ta burubak,  
 mantxarikan gabeko  
 birjiña purubak.

### 11

Gure dantzetan jua da  
 guziya konpleto,  
 damak serbitu dira  
 iñon baña obeto;  
 izandu diyotegu  
 milla errespeto,  
 berak kontentu daude,  
 badakigu zierito.

### 12

Izan degu soñuba  
 dantzatzeko diña,  
 bai eta damak ere  
 bana eta biña;  
 guziya izan da txit  
 ederki egiña,  
 bosti eman diyote  
 sabeleko miña.

[1852]



## Kontzezirentzat

### 1

Kantatutzero indar aundiko  
desio batek narama,  
Kontzezi, zuri nai dizut eman  
mereziya dezun fama;  
gure probintzi Gipuzkoa'kuan  
igualik gabeko dama,  
berinkatuba izan derilla  
zu egin zinduben ama.

### 2

Zedorrek uste etzenubela  
egon nitzaizun begira,  
lenbizikuan oñetara ta  
urrena berriz gerrira;  
oñak dituzu txiki politak,  
gustagarriyak txit dira,  
gerriyan berriz eman litzazke  
kana bat zintak bi jira.

### 3

Andik urrena ipiñi nizun  
erreparua petxura,  
ordubantxen bai eman nizula  
aingeru baten itxura;  
Jainkoak berak deitu izan balit  
iyo nerilla zerura,  
zure ondolik ara juan biarrak  
emango ziran tristura.

### 4

Ondoren jarri nitzan denboran  
begiratubaz lepora,  
biyotzak salto egiten ziran  
irten nayian kanpora;

irten ta zuzen, badakit zierto,  
juango zan zure kolkora,  
nik jakitera nai zenubela  
utziko niyon gustora.

### 5

Atentziyua begiyetara  
paratu nizun segiran,  
ez dakit zierto begiyak ero  
eguzki berri bi ziran;  
ondo ikusi ez nizkitzun ta  
nola esango det zer diran?  
Begiratutzen nizun guziyan  
bista kendutzen zeniran.

### 6

Ille beltz eder dizdizariya  
oparo dezu buruban,  
konparatzeko baliyo duben  
sedarik ez da munduban;  
trentzak egiñik zenekan dana  
erregiñ baten moduban,  
diamantezko koro eder bat  
falta zitzaizun orduban.

### 7

Ointxo politak, gerriya mia,  
graziya milla petxuban,  
lepo biribill diruriyena  
egin berriya tornuban;  
pare gabeko begi argiyak,  
ille ederra buruban,  
zu baño aingeru politagorik  
ez da izango zeruban.

### 8

Beti ariko naiz Jaunari eskaka  
ondo izan zaitezela,  
etzazula uste nere biziyen  
zutaz aztuko naizela;



eskumuñak maiz bigal nazkitzu  
orain artian bezela,  
ainbeste egin biar dirazu,  
penaz ilko naiz bestela.

[1857]

## Zaldi baten bizitza (Zaldi zuriyarena)

1

Orra sei bertso kale  
garbitzalleari,  
zeña bere izenez  
dan Joxe Mari;  
erreza lezazkike  
iru abe mari,  
indarra etortzeko  
zaldi zuriyari;  
animali ori  
urriki zait neri,  
falta du ugari  
egoteko guri;  
kartoiakiñ egiña  
dala diruri.

2

Goizero biar diyo  
eraso lanari,  
zikiñak bildu arte  
erri danari;  
berriz ere obeto  
bizi ez danari,  
nabarbenduko zaizka  
ezurrak ugari;  
ez naiz txantxaz ari,  
eta, Joxe Mari,  
zaldi gaxuari  
nai aña janari  
eman zaiozu, jartzen  
ote dan lori.



## 3

Dago eskeletuen  
itxura arturik,  
diña jan ezak daka  
orla galdurik;  
nola ez da egongo  
oso argaldurik,  
irukitzen badute  
askotan baraurik?  
Zaldiya orri nik  
ez det esperorik  
ezer ikusterik  
ezurak besterik;  
ez du beintzat izango  
odol-golperik.

## 4

Lana sobra du baña  
janariya falta,  
urrikigarriya da  
dakarren planta;  
gaxuak ez lezake  
luzaro aguanta,  
flakiyarekiñ eziñ  
mugitu du anka;  
pentsu gutxi jan ta  
kalian jiraka,  
gaizki bizi da ta  
indarrrik ez daka;  
eziñ karriatu du  
karro bat kaka.

## 5

Munduban ez liteke  
zaldirik arkitu,  
dubenik orrek aña  
pena sufritu;  
biyotzik gogorrena  
lezake kupitu,

ez du zartzera txarra  
gaxuak atxitu;  
pausua nagitu,  
eziñ da mugitu,  
gutxiyenez ditu  
zazpi espiritu,  
bestela bizirikan  
eziñ segitu.

## 6

Gizarajuaz danak  
pena ar zazute,  
baldiñ biyotz biguñak  
badituzute;  
asi zan egunetik  
eta oraiñ arte,  
serbitzuba egiñ du  
erriyan bastante;  
igande ta aste,  
jaiarekiñ naste,  
makiña bat urte  
pasa dizkitzute;  
oraiñ erretirua  
merezi luke.

**ZALDIAREN ERIOTZA**

Indarra zekan arte  
zikiña karraio,  
eragiten zioten  
makiña bat saio.  
Bañan miñez jarri da,  
indarra jua zaio!  
Nekearen pagua  
balaz eman zaio!



**OBIZDEA**

Azkenak emen daude  
 zaldi argal baten,  
 zeñak ez zuen inoiz  
 pentsu on bat jaten;  
 gelditu zaizkan mami  
 puskak eramaten,  
 beliak lan askorik  
 apenas daukaten.

*R. I. P. Amen.*

[1860]

**Pozez ta bildurrak**

**1**

Dama gazte polit bat  
 bada Donostiya'n,  
 berdiñik ez dubena  
 zeruban azpiyan;  
 biyotza mugitzen zait  
 modu txit eztiyan,  
 nere pensamentura  
 datorren guztiyan.

**2**

Graziyazko aingeru  
 adoragarriya,  
 Jaunaren ondotikan  
 egan etorriya,  
 zerubak egintako  
 milagro berriya,  
 gloriyaz bete dezan  
 Donosti'ko erriya!

**3**

Arpegiya zeñek du  
 arrek bezin fiña?  
 Eta zeñek gorputza  
 aiñ ongi egiña?  
 Ibilleran ere da  
 guztizko ariña,  
 euskerak ez du itzik  
 famatzeko diña!

**4**

Naiz plazara jua bedi,  
 naiz jua iturrira,  
 nork ez du arreta jartzen  
 aren ibillira?



Bat bañan geiago're  
gelditutzen dira,  
ezkututzen dan arte  
berari begira.

## 5

Bere jatorrez duben  
patxara fiñian,  
biria pasatzen du  
pauso ariñian;  
lurrik ez du zanpatzen  
txoriyak añian,  
txutik juango litzake  
uraren gañian.

## 6

Orrenbeste graziya  
dituben meriyo,  
arentzako gordia  
zenbat amoriyo  
biyotzian dakatan  
nork kontatu diyo?  
Kalian ikusita  
esan dit ariyo!

## 7

Berriz ikusitzeko  
egingo det modu,  
juango diran baño len  
ogei ta lau ordu;  
ariyo esaten badit  
laister entzungo du  
«Nere arratseroko  
ametsa, zer modu?»

## 8

«Ongi nai ta eziñ izan»  
esango dit anbat;  
nik erantzungo diyot  
«Noski besteren bat

izango da, sufritzen  
dubena zuk ainbat...»  
«Zein da, bada, esazu!»  
«Zu nai zinduzken bat!»

## 9

«Burlaz esaten dezul  
Nork naiko nau ni? Nork?  
Aberatsa ez danik  
ez du maite iñork.»  
Baña nik ordubantxen  
erantzungo diyot:  
«Zoragarriya, naizu  
maita gaiten biyok?»

## 10

Baietz esaten baldiñ  
badit erdi farrez,  
erotu egingo naiz  
pozaren indarrez;  
ezetz entzuten badet  
nere suerte txarrez,  
itz orrek utziko nau  
betiko negarrez!

[1862]



## Juramentuba

### 1

Begi urdiñak dituzu eta  
arpegi zuri-gerriya,  
nere biyotzak maite zaituben  
aingeru zoragarriya;  
zumia beziñ biguña eta  
mia da zure gerriya,  
estutu bage artu liteke  
bi eskubakin neurriya.

### 2

Lengo batian, izar berriya,  
ongi fortuna nerian,  
maite ninduzun galdetu eta  
baietz erantzun zeniran;  
pozakiñ iya zoraturikan,  
aditu eta segiran,  
beso eskuia estutu nuben  
zure gerriyaren jiran.

### 3

Neri begira gelditu ziñan  
buruba triste etzanaz,  
ni ere zuri begira negon  
«Maite nerial» esanaz;  
luzaro ala egondu ginan  
suspiriyuak emanaz,  
biyok elkarren begiyetatik  
amoriyua eranaz.

### 4

Ongi penakin askaturikan  
zure gerritik besua,  
ez zait aztuko nola esan nizun  
«Nere maitetxo gozua!

Zorionaren ekartzallia,  
izar amoriosua,  
zu adoratzen igaroko det  
nere bizitza osua!

### 5

Maite nazula len esan dezu,  
berriz esan zazu arren!  
Ez naiz entzutez gogobeteko  
milla bider esan arren;  
nun ta zerubak erabakiya  
beste moduz ez dakarren,  
denbora gutxi barrun gu biyok  
izango gera elkarren.»

### 6

Imajiña bat zillarrezkua  
kordoi batekin lotuba  
begiz aurrian jarri zeniran  
kolkotik ateratuba,  
zeñetan zegon gurutzeturik  
Jaunaren Seme santuba  
«Onen aurrian —esan zeniran—  
egizu juramentuba!»

### 7

Faltsiyarikan ez zeguela  
nere biyotz xamurrian,  
proga emango nizun eguna  
arkitzen zala urrian,  
begiratuba imajiñan ta  
belaun eskuia lurrian,  
juramentuba eskeñi nizun  
Jaungoikoaren aurrian.

### 8

Fintasanakiñ kunplituko det,  
ez da zer egon zalantzez,



denborarikan igaro gabe  
 gogo txarrezko balantzez;  
 erakutsitzen baldin badizut  
 faltsiarikan mudantzez,  
 nere biyotza bete dezala  
 damutasunak arantzez.

[1862]

## Loriak

### 1

Beti nik damari  
 loriak ugari,  
 endemas pixka bat  
 maite naubenari;  
 damak berriz neri  
 —gezurra diruri!—  
 osiñez pagatu  
 lorezko zor ori.

### 2

Oso nago mendian  
 jaungoiko itxubaren,  
 ama Venus'engandik  
 jaiotakoaren;  
 neroni ez naiz jabe  
 nere biyotzaren,  
 gaxua preso dakat  
 amoriyuaren.

### 3

Sartutzen dan bezela  
 balkoi batetikan  
 eguzkiya gelara  
 kristaletatikan,  
 modu ortaraxe bein  
 igaro zitzaitan  
 biyotzera dama bat  
 begiyetatikan.

### 4

Biyotz nerian preso  
 gelditu bire zan,  
 geratzen dan bezela  
 txingarra iyeskan;



obligatuba dago  
egotera bertan,  
nun-ta biyotz ta guzi  
ateratzen ez dan.

**5**

Ditu ille urrezko  
albiñu luziak,  
alakorik apaintzen  
ez du orraziak;  
frankotan inbiriya  
eman dit aiziak,  
aren trentza tartetik  
jostatzen pasiak.

**6**

Ondo konparatzia  
da gauza eziña  
arren begiyetako  
urdintasun fiña;  
ez da irrutira're  
aitatzeko diña  
itxasoko bagaren  
kolore urdiña.

**7**

Ez da zer aitaturik  
zeru zabala're,  
bolaraz urdiñ-urdiñ  
jarritzen dala're;  
aingeru neriaren  
begiyak alare  
urdiñ purubagoko  
zerubak dirare.

**8**

Izarrak dirurite,  
aiñ ditu argiyak,

aingerubak zerutik  
jetxita jarriyak,  
glorijan egintako  
ispillu garbiyak,  
Jaungoikua badala  
gogoragarriyak.

**9**

Cupido'k eritzen nau  
fletxakin berriro,  
neregana jiratzen  
dituben aldiro;  
biyotzera sartzen zait  
eztiro-eztiro  
amoriyotasun bat  
gozua guztiro.

**10**

Aren ezpaiñ gorriyak  
nere atsegintzat,  
ondo merezi dute  
famatzia fintzat;  
zerbaitez apartetik  
ikusita beintzat,  
mundu guztiyak artzen  
ditu krabelintzat.

**11**

Farrik egiten badu  
zerutar birjiñak,  
erakusten dituben  
ortza txiki fiñak,  
txuriz elurrarekin  
dirare berdiñak;  
perlak iruri dute  
zillarrez egiñak.



## 12

Gozuaren birtutez  
aren asnasiak  
lo-arazitzen ditu  
nere oñaziak;  
usai oberik ez du  
banatzen aiziak,  
loriak maitatubaz  
baratzen pasiak.

## 13

Lepo biribilla ta  
gorputza liraña,  
txikiz ez det esaten  
oñaren tamaña;  
ibiltzen airesuba,  
jantziyan apaña,  
aren graziyak dira  
eziñ esan aña.

[1862]

**Maita nazazu arren!**

## 1

Biyotzaren erditik  
zeruzko dama bat  
amoriyoz maite det  
eziñ esan ainbat;  
sufri-arazitzen dit  
erotzeko din bat,  
artara ekarriko nau  
oraindikan anbat.

## 2

Nere maitasun onek  
falta du ordaña,  
etzait ongi portatzen  
aingeru liraña;  
itxumen guztiyakin  
maitatzen det baña...  
berak ez nau ordia  
nik merezi aña.

## 3

Zoraturikan beti  
aren billa nabill,  
ura berriz nigandik  
igesika dabill;  
laister logratuko du  
onla banarabill,  
biyotzikan gabiak  
penaz nai banau ill!

## 4

Iñon ikusi gabe  
sei aste luziak,  
beti artaz pensatzen  
negarrez pasiak;



begi biyak dakazkit  
malkotan asiak,  
ez du asko kupitzen  
nere oñaziak.

## 5

Aren krueltasuna  
izanik ainbeste,  
penaz betia nago,  
miñez eta triste;  
izar dizdizariya,  
nitaz kupi zaitel!  
Zuregatik ilko naiz  
ez banazu maite!

## 6

Baldin gertatzen bada  
orrelakoren bat,  
zedorri're damubak  
ilko zaitu anbat;  
maita nazazu bara  
nik zaitutan ainbat,  
elizan egiteko  
biyotz birekin bat!

[1862]

## Beti zutzaz pentsatzen

## 1

Dama gazte bat ezagutzen det  
diruriyena izarra,  
eguzkiyari kopetetikan  
saltatutako txingarra;  
biyotz nerian ala piztu du  
amoriyozko su-garra,  
nola mendiyan piztu lezaken  
tximistak arbol igarra.

## 2

Beti goguan zauzkatan dama  
izarra diruriyena,  
eguzkiyaren biarrrik gabe  
argi egiten dezuna;  
berdin gabeko amoriyua  
senti-arazten nazuna,  
aditzera eziñ eman liteke  
dizutan maitetasuna.

## 3

Nere begiyak beren aurrian  
ikusten ez bazaituzte,  
gixaraxuak eta biyotza  
egoten dira txit triste;  
xinista zazu mundu guztiyan  
ez dala iñor ni beste,  
zu maitatzeko kapaz danikan  
merezi dezun ainbeste.

## 4

Gau eder alai aietako bat  
gertatutzen dan orduban,  
izarrak dizdiz egiten dute  
zeruko urdiñ puruban;



diferentzirik batere gabe,  
zuk nere pensamentuban  
dizdiz alaxen egiten dezu  
nola izarrak zeruban.

## 5

Ia gozua izango al dan,  
enamoraturik dana,  
ama on batek aur maitiari  
ematen diyon laztana?  
Alare bada beste gauza bat  
askoz gozuago dana:  
zureganako amoriyua  
nere biyotzak daukana.

## 6

Nork irukiko zaitu nik beziñ  
ixtimaziyo aundiyan,  
animatikan maite bazaitut  
erotutzeko zoriyan?  
Amoriyozko naitasunakiñ  
gorderik erdi-erdiyan,  
biyotz nerian ala zaukazkit  
nola niniya begiyan.

## 7

Bost urte diran ez dakit baño  
beñepeiñ badirare lau,  
faltatu gabe nere oroitzan  
zaudela egun eta gau;  
zu itxumenez maitatutzeko  
zerubak siñalatu nau,  
alik lenena premiya zazu  
egiyazko naitasun au.

[1868]

## Ja-jai!

## 1

Beñ batian Loiola'n  
erromeriya zan,  
antxen ikusi nuben  
neskatxa bat plazan;  
txoriya bañan ere  
ariñago dantzan,  
uraxen bai pollita,  
an pollitik bazan!

## 2

Esan niyon desio  
senti nuben gisan,  
arekiñ izketa bat  
nai nubela izan;  
erantzun ziran ezik  
atsegiñ ar nezan,  
adituko zirala  
zer nai niyon esan.

## 3

Arkitu giñanian  
iñor gabe jiran,  
koloriak gorritu  
arazi zizkiran;  
kontatuko dizutet  
guztiya segiran  
zer esan niyon eta  
nola erantzun ziran.

## 4

«Dama polita zera,  
polita guztiz, ai!  
Bañan alare zaude  
oraindak ezkongai.





Ezkon gaitezen biyok!  
 Esan zadazu bai!»  
 «Ni zurekiñ ezkondu  
 Ni zurekiñ? Ja-jai!»

## Zenbait damaren esker txarra

### 1

Atzo, probetxu gabe,  
 etxeko auzuan,  
 egondu nitzan zure  
 zai egun osuan;  
 gaur suertez ikusitzen  
 zaitutan kasuan,  
 itz egiñ biar dizut  
 izketa gozuan.

### 2

Zeiñ-ta politak diran  
 arrosa, jazmiña,  
 azuzena, liriyo  
 eta klabeiña,  
 danak bat egiñta're  
 ez dirade diña  
 igualatzeko nere  
 maite atsegiña.

### 3

Nai det jakiñ dezazun  
 oraiñ beriala  
 txit asko nai dizutan  
 neskatxa zerala;  
 gaur zu ikusitziak  
 poztutzen nau ala,  
 nun iruritzen zaitan  
 jai aundi bat dala.

### 4

Au da mundu guziyak  
 ongi dakiyena:  
 zu zerala dama bat  
 grazi utsa dena;



bat oietan badezu  
erotzen naubena,  
artan arkitzen dizut  
grazirik geiena.

**5**

Izan ere gorputza  
dezu aproposa,  
ikusi utsarekiñ  
ematen du poza;  
beste inor ez dala  
zu beziñ airosa,  
erri guziyan dago  
banatuba boza.

**6**

Patxaran ibiltzia  
dago gaur bolaran,  
pausaje fiña oraiñ  
zergatik moda dan;  
eta zu ikustia  
modako patxaran,  
ez dakizu neretzat  
nolako ditxa dan!

**7**

Nik esan ta zuk jakiñ  
biazu ezikan  
lau andregai dakazkit  
artu nai ezikan;  
ezkonduko nitzake  
gaur bertan kasikan,  
besterekiñ ez bañan  
zurekiñ pozikan!

**8**

Amoriorik gabe  
pasatu eziñez,

nik damak maite ditut,  
aitortzen det ziñez:  
begiyakiñ guziyak,  
milla bai mingañez,  
bañan biyotzarekiñ  
zu besterikan ez!

**9**

Zu zera, bai, zu zera,  
damatxo maitia,  
nere desiuaren  
zeruko atia;  
biyotz onez nerekiñ  
bat egiñ zaitia,  
eta biziko zera  
kontentuz betia.

**10**

Ortarako aguro  
genuke eguna,  
nik nai detana balitz  
biyok nai deguna;  
bañan zure asmua  
da txit ezaguna  
ez dezu estimatzen  
nere naitasuna.

**11**

Ditxa bat ez dit opa  
fortuna zekenak,  
negarrez daramazkit  
ordurik geienak;  
eziñ aundiyagoko  
oñaze ta penak,  
sufritutzen bizi naiz  
zuregatik denak.



## 12

Miñ abetaz kupitzen  
 ez baldiñ bazera,  
 nere buruba nua  
 betiko galtzera  
 Matxo'ra iyoko naiz  
 andik botatzera,  
 duben altubenetik  
 Gaztelu atzera.

## Dama ta galaia

## 1

*Galaia:*

Dezu gorputz egokiya,  
 polita txit arpegiya  
 eta ederra begiya  
 zure begiya  
 agitz argiya  
 da guztietan aurrena;  
 bestiak dira urrena,  
 ori da-ta ederrena,  
 diruri eperrarena.

## 2

Ez det, dama begi eder,  
 desiatzen beste ezer,  
 bañan bai... esango det zer  
 legezko birez,  
 faltsiyakiñ ez,  
 zu neretzako logratu;  
 nik orla naia obratu  
 txantxa dala ez pentsatu,  
 zutzaz naiz enamoratu.

## 3

Konformatutzen bazera,  
 laster ezkonduko gera,  
 ez galdu orlako era;  
 biyok munduban  
 bizi-moduban  
 artutzen badegu parte,  
 asnasiak iraun arte,  
 jakiñian gera zaitte,  
 nik izango zaitut maite.



## 4

Millaka ditut ardiyak,  
larogei ta lau ariyak,  
mardulak eta guriyak;  
zezen eta bei  
berreun ta ogei,  
sei eun eta bost iriyak;  
baitare soro aundiyak,  
belar ugariz jantziyak,  
mantendutzeko guziyak.

## 5

Nik ori guztiya daukat  
ez balitz bezela deus bat,  
badet-eta beste gauz bat  
giltzaz azpiyan  
leku itxiyan  
dakat montuan billbilla  
urrezko zenbait kurpilla;  
uraxen bai dala pilla  
ontzako utsak lau milla.

## 6

Dauzkatanaren giltzaz be  
zu egiñgo zaitut jabe,  
bazeudeke duda gabe:  
bara, begira,  
izango dira,  
orra eman notiziyak,  
zure kontura utziyak,  
dituzu-ta mereziyak,  
etxeko giltza guziyak.

## 7

Zer ongi biziko zeran,  
nai dezuna jan ta eran,  
guztiya zure aukeran;  
jazteko ere  
zuk ez batere

gastubari begiratu;  
dendik onenetan sartu,  
gayik ederrenak artu  
eta soñak enkargatu.

## 8

Alaja-zale bazera,  
juango gera esatera  
alajategi batera:  
erakusteko,  
zuk ikusteko,  
dakaten alajeriya;  
naiz bada're gariztiya,  
izango da erosiya  
gustatzen zaizun guziya.

## 9

Zu serbitzeko nik ontan,  
gauz oiek errira ontan  
ez daude denda iñontan;  
ta eroatera  
erri bestera  
egiñgo degu, bai, jira;  
nai badezu Donosti'ra  
edo bestela Frantzi'ra,  
ango zuk naizun errira.

## 10

Esaten dizkitzutanak,  
dira-ta ziñez esanak,  
kunplituko ditut danak;  
fiyatu zaite,  
nik zaitut maite,  
eta jakiñ zazu ezik  
zugatik ez dala kasik  
egiñgo ez nuken gauzik  
gusto aundira ta pozik.

**11**

Zutzaz enamoratuba,  
nago kasikan artuba  
illaren erretratuba;  
miñik txarrena  
dakat barrena,  
animaraño sartuba;  
au legoke sendatuba,  
gauza bat desiatuba  
nik baneka logratuba.

**12**

Sendako litzaiket miña,  
bestela senda eziña,  
zu neretzako baziña;  
azken ortara  
ni nua bara,  
guztiz intentziyo onez,  
eziñ liteke-ta obez,  
arren esazu faborez  
neretzat zeran edo ez!

**13**

*Damak:*

Dirazu naitasun fiña,  
gozua ta atsegiña  
obiagorik eziña;  
jakiñ naizuna  
da erantzuna  
esatiakiñ onela  
alaxen banitz bezela,  
zierto egon zaitezela  
zuria izango naizela.

**14**

*Au nik diyot:*

Ara gauzak nola diran  
egun artatik segiran  
biyak alkarrenak ziran;

ordu ezkerro,  
au zan espero,  
kunplitu-ta berak naia  
ongi daudela da baia,  
pasiaz bizi alaia,  
gure dama ta galaia.

**15**

Egiya nik esateko,  
ez zebiltzan ezkontzeko  
geldi-geldi egoteko  
galaia obra,  
seguru sobra,  
aurreratuba darama;  
egiñ dirala da fama  
bat aita, bestia ama,  
gure galaia ta dama.



## Juana Bixenta Olabe

### 1

*J. Bixenta:*

Nagusi jauna, auxen da lana,  
amak bigaltzen nau berorregana.

*N. jauna:*

Ai, bigaldubo bazinduke maiz!  
Zu ikusita konsolatzen naiz.

Xinista zazu  
oso zoraturikan nakazu!  
Orren polita nola zera zu?

### 2

*J. Bixenta:*

Amak esan dit, etxeko errenta  
pagatzeko dirurik ez zuben-ta,  
ia egingo diyon mesere,  
illabetian geienaz ere,  
itxogotia; (sic)  
bara zierto dala ematia  
pasa baño len illabetia.

### 3

*N. jauna:*

Logratutzia, errex alare,  
naiz ori ta beste zernai gauza're,  
seguru dala esan amari,  
zu baldiñ bazatoz mandatari;  
dudarik gabe,  
nere borondatiaren jabe  
zu zera, Juana Bixenta Olabe.

### 4

*J. Bixenta:*

Beraz bertatik nua etxera  
poz aundi bat amari ematera;

oraiñ ariyo, nagusi jauna,  
presaka jua biat amagana.

*N. jauna:*

Ez zuazela;  
portatu zaite nik nai bezela,  
gaur etxera jua ez zaitezela.

### 5

Zuben etxia dago irruti,  
birian zer gerta izan bildurti;  
bara iya pasa da eguna,  
arratsa berriz dator illuna;  
oraiñ juatia  
txartzat iruki, nere maitia;  
gaur emen bertan gera zaitia.

### 6

Ez jua etxera, bire oietan,  
gabaz, bakarrik eta illunbetan;  
kontura erori zaitia zu:  
gabaz illunbian jua biazu  
peligro aundiz,  
eta obe dezu eun aldiz  
biyar goizian jua egun argiz.

### 7

*J. Bixenta:*

Ezetz etsiya egon liteke,  
ni emen gelditu eziñ niteke;  
amak espero nau gaberako,  
eta ark espero naubelako,  
jua biar det nik;  
alaba ikusi bagetanik  
amak izango ez luke onik.

### 8

*N. jauna:*

Emen zuretzat dira parako  
jaki txit goxuak afaitarako;



erariya berriz, —Jaungoikua!—,  
illak piztutzeko modukua  
ardo onduba,  
ontzen urtietan egonduba,  
Malaga'tikan da bigalduba.

## 9

*J. Bixenta:*

Jauna, berorrek, bañan alferrik,  
badaki armatzen lazo ederrik;  
lazua eiz bage gera dedin,  
nere etxian nai ditut egin  
afaldu ta lo;  
naiago ditut ango bi talo,  
ta ez emengo milla erregalo.

## 10

*N. jauna:*

Biyotz nereko dama polita,  
asmoz muda zaite, auxen tori-ta  
amasei duroko urre fiña,  
sendatu nai zazun nere miña,

*J. Bixenta:*

Ez, jauna, ez, ez!  
Merezi beziñ kopeta beltzez,  
esango diyot ezetz ta ezetz!

## 11

*N. jauna:*

Gañera berriz, Juana Bixenta,  
utziko dizutet etxeko errenta  
kito zor dirazuten guziya,  
kunplitzen banazu kutiziya.

*J. Bixenta:*

Lotsa gogorra!!  
Sufritzen dago gaur nere onra,  
penaz malkuak darizkit orra!!

## 12

*N. jauna:*

Nik ditut kulpak, ez egin negar,  
orlakorik ez nizun esan biar;  
animan sentitutzen det miña  
zuri ofensa ori egiña.

Maldiziyua!

Ez dakit nun nekan juiziyua,  
eskatzen dizut barkaziyua!

## 13

*J. Bixenta:*

Barkaziyua, du-ta eskatu,  
nere biyotz onak eziñ ukatu;  
erakutsi ditalako, jauna,  
gaitz egiñaren damutasuna,  
konforme nago;  
ez egiñ-ta ofensa geiago,  
gaurkua oso aztutzat dago.

## 14

*N. jauna:*

Berriz nik egin zuri ofensa?  
Arren orlakorik ez bara pensa!  
Zaukazkit neskatxa fiñ batetzat,  
eta gusto aundiz emaztetzat  
artuko zaitut;  
biyotzetikan esaten dizut,  
zuretzat ona baderizkizut.

## 15

*J. Bixenta:*

Ori egiaz baldin badiyo,  
neregana egon liteke fiyo;  
bañan usatubaz kortesiya,  
ama neriar lizentziya  
eska bezaio.

*N. jauna:*

Ori gustora egingo zaio,  
biyar goizian juango naitzaio.

**16***J. Bixenta:*

Banua oraiñ.

*N. jauna:*

Atoz onuntza,  
 birerako artu zazu laguntza.  
 Adi zazu, morroi Joxe Juakiñ  
 etxera farolan argiyakiñ  
     aingeru oni  
 gaur zuk laguntzia da komeni,  
 kezketan egon ez nariyen ni.

**17***Morroiak:*

Aingeru ari lagundu eta  
 orra, jauna, egiñ ostera buelta;  
 birian, bai, bildurtxo zan bera,  
 bañan allegatu-ta etxera  
     kontentu zegon;  
 oraiñ kezketan ez du zer egon,  
 oiera jua ta pasatu gau on.

**18**

Eldu zanian urrengo goiza,  
 nagusiyak zuben kunplitu itza  
 jua zitzaiou amari etxera,  
 andretzat alaba eskatzera;  
     amak txit firme  
 artu ta gero milla informe,  
 gelditu ziran biyak konforme.

**19**

Andik zortzi bat egunetara,  
 edo amar ziran ez dakit bara;  
 ez, amar eziñ zitezken izan,  
 andik zortzi egunera elizan  
     ezkondu ziran;  
 ezkondu ta etxera segiran,  
 jendia franko bazuten jiran.

**20**

Bost illabete edo sei ontan  
 ez dirade beti egondu lotan;  
 eman dute zenbait jirabira  
 eta gozatutzen bizi dira  
     ditzak ausarki;  
 obeto eziñ litezke arki,  
 espero dute aurtxo bat aurki.

**21**

Dama gaztiak, ez egon lotan,  
 begira zaitezte ispillu ontan  
 gustatuta birtute ederra,  
 andretzat artu bere maizterra  
     du nagusiyak;  
 orla irabaztera graziyak  
 saia zaitezte beste guziyak.





## Somaketa

Nere bata ta biya da  
 somatzen errexena,  
 bara zerorrek dauzkatzu  
 esku bakoitzian bana.  
 Bata ta laba da berriz  
 Gipuzkoa'ko erri bat,  
 zeñetan arkitutzen dan  
 beste inon ez dan arri bat.  
 Nere iruba ta laba  
 berekiñ daukan diruba,  
 ontzat artzia erozeñek  
 ez da gauza seguruba;  
 batez ere baldin bada  
 baliyo aundiko moneda,  
 ez du gutxik galdetuko  
 «Au gero fiña ote da?  
 Ez da txit katolikua;  
 zer derizkitzu, Inaxi?»  
 «Neri? Faltsua derizkitu».  
 «Eta zuri, andre Graxi?»  
 «Arrira bota zazu ta  
 soñuba egiñ-arazi;  
 ez badu soñuba fiña,  
 ganbiyatutzen ez asi.»  
 Iruba eta bigarrena  
 da gizonaren desdita,  
 ala pegatzen zaiona  
 nun balitzake tximitxa;  
 pegatzen da txit errexena,  
 apartatutzen txit gaitza;  
 alako asko izatetik  
 Jaungoikuak libra gaitza.  
 Zer afariya!! Ogiya,  
 botilla bat ardo eder,  
 ta ongi jarriyak lautxo bat  
 nere iruba bi bider.

Batari eta biyari  
 laugarrena itxeki-ta,  
 beste asko're bai baño  
 donzella da txit polita.  
 Eta da nere guziya  
 desiatuba, gauz ona;  
 indartsu arkituko da  
 berekiñ naukan gizona.

\* \* \*

Somaketa onentxen itza,  
 —saiatu zaitezte denak—,  
 propina asko izango du  
 zer dan asmatzen dubenak.  
 Logratzen duben arentzako  
 daukazkit siñalatubak  
 loteriyako lau billete...  
 —oraiñ bi urte artubak—.

## Bilintx

\* \* \*

Ez det jarri *Bilintx* ori, somaketa neronek sortuba  
 dan patxandiyaz.

Zer erregalua!! Baizik eta jarri det, asmatzia logratu  
 duben arrek jakin dezan norengana biar duben giyatu,  
 menturaz nai balu egin billete oien jabe. (1)

Teatroko dendan,  
 zeña ikusten dan  
 aspaldi guziyan  
 kale nagusiyan,  
 aurreko etxearen  
 etxe eder aren  
 beraren onduan,  
 paper abek duan



an ematen dira;  
 ez iritzi mira,  
 ez milagro egiñ,  
 egiya da berdiñ.  
 Eta balitz norbait  
 badakanik zerbait  
 duda gauz orretan,  
 bijua ta bertan  
 artuko du proga  
 au ez dala droga,  
 baizikan egiya,  
 ta egi garbiya.  
 Bara au diyonak,  
 konseju txit onak  
 txiki-txikitandik  
 gurasuakgandik  
 artubak izan-ta,  
 ez daki saiatzen  
 iñor engañatzen  
 gezurrak esan-ta.

(1) Inoxente-egunian emango diyozkat.

Izar argi bi falta dirala  
 zeruan sortu da gerra,  
 al dakizu nork ostu dituen,  
 beltzeran begi ederra?



## Hil ondoren argitaratuak

### Potajiarena

#### 1

Egunaren izena  
ez dakit nola zan,  
baño seinalagarri  
partidu bat bazan,  
pelotan jokatzeko  
Oiartzun'go plazan;  
nai det nere orduko  
gertaera esan,  
urrenguan beste bat  
eskarmenta dezan.

#### 2

Partiduba jokatzez  
bukatu zanian,  
ostatura juan nintzan  
zuzen-zuzenian;  
maiera jana ekartzen  
asi ziranian,  
apaiz bat serbitzen zan  
aurren-aurrenien,  
makiña bat sartu zan  
arren barrenian.

#### 3

Zintzur ona zubela  
klaro siñaliak  
eman zituen apaiz  
barbantzu zaliak;  
dozenaka tragatzen  
zituen aliak,  
maskatu ere gabe  
tripazai jaliak,  
alako aixa nola  
antxua baliak.



## 4

Tragatutzen zituen  
 igar da eziak,  
 etziran aren diña  
 zetozen klasiak;  
 ekarri orduko zeuzkan  
 tripara pasiak  
 kortesia gabeko  
 txapela guziak;  
 arrek naikua jan ta  
 ni berriz gosiak.

## 5

Nere ditxa guziak  
 badute ajia,  
 noski naiz Jaungoikoak  
 aztutzat lajia;  
 gosiak egin nuben  
 ango biajia,  
 kulpa duenarentzat  
 daukat korajia,  
 apaiz batek jan zuben  
 nere potajia.

## 6

Geroztik ostatuan  
 sartu ordurako,  
 galdia egin bage  
 ez det nik lajako  
 egun artan apaizik  
 ote dan arako;  
 ez apaiz jaun guziyak  
 igual diralako,  
 baizik batek bildurra  
 sartu ziralako.

## Izazu nitzaz kupira

## 1

Loriak udan intza bezela  
 maite det dama gazte bat,  
 ari ainbeste nai diyotanik  
 ez da munduban beste bat;  
 iñoiz edo bein pasatzen badet  
 ikusi gabe aste bat,  
 biyotz guztira banatutzen zait  
 alako gauza triste bat.

## 2

Neskatxa gazte pare gabia,  
 Apirilleko arrosa,  
 izarra beziñ dizdizariya,  
 txoriya beziñ airosa;  
 oraintxen baño gusto geiago  
 nik eziñ nezake goza:  
 zori onian ikusten zaitut,  
 nere biyotzak au poza!

## 3

Ez al dirazu antzik ematen  
 nik zaitutala naiago,  
 ai, mariñelak gau illunian  
 izarra baño geiago?  
 Nere onduan zauzkatalako  
 pozez zoraturik nago,  
 zu ikustiak alegratu nau,  
 triste neguen lenago.

## 4

Nik ainbat iñork nai dizunikan  
 arren ez zazula uste,  
 nere begiyak beren aurrian  
 beti desio zaituzte;



eguzkirikan ikusi gabe  
txoriya egoten da triste,  
ni ez nau ezerk alegratutzen  
zu ikustiak ainbeste.

## 5

Arpegi fiña, gorputza berriz  
ez dago zer esanikan,  
izketan ere grazi ederra,  
ezer ez dezu txarrikan;  
mundu guztira miratuta're  
zu bezelako damikan  
agiyán izan liteke baño  
ez det sinisten danikan.

## 6

Nere betiko pentsamentuba,  
nere konsolagarriya,  
zu gabetanik ezin bizi naiz,  
esaten dizut egiya;  
zu baziñake arbola eta  
ni baldin banitz txoriya,  
nik zu ziñaken arbol artantxen  
egingo nuke kabiya.

## 7

Amoriyuak nere biyotza  
zureganuntza darama,  
erri guztiyan zeren dakazun  
neskatx bikañaren fama  
beste fortunik mundu onetan  
ez det desiatzen, dama:  
aur batek berak izan gaitzala  
ni aita eta zu ama.

## 8

Falta dubenak logratutzeko  
itz egitia txit on du,  
eta nik ere saiatu biat  
ote gintezken konpondu;

gaur nagon bezin atrebituba  
sekulan ez naiz egondu,  
argatik golpez galdetzen dizut  
nerekin naizun ezkondu.

## 9

«Ezkondutziak izan biar du  
preziso gauza txarren bat!»  
Ala esaten ari zait beti  
nere konsejatzalle bat;  
alaxen ere aren esanak  
oso utzirik alde bat,  
ongi pozikan artuko nuke  
zu bezelako andre bat.

## 10

Zerorrek ere ongi dakizu  
aspaldi ontan nagola  
zuregatikan penak sufritzen,  
bañan ordia au nola!  
Alaxen ere nigana eziñ  
bigundu zaitut iñola,  
ni zuretzako argizaia naiz,  
zu neretzako marmola!

## 11

Nere biyotza urtzen dijua  
eta ez da misterio  
penaren kargak estutu eta  
zumua kendutzen diyo;  
begiyak dauzkat gau eta egun  
egiñikan bi erriyo,  
beti negarra dariyotela  
zu zerarela meriyo.

## 12

Zu zeralako meriyo baldiñ  
juaten banaiz lur azpira,



gero damuba eta malkuak  
 alperrik izango dira;  
 beñ jua ezkeru oien birtutez  
 berriz ez niteke jira,  
 ori gertatu baño lenago  
 izazu nitzaz kupira!

## Gaztetan jarriyak dama bati

### 1

Argitasun aundiko  
 perla garistiya,  
 nere osasuna ta  
 nere eguzkiya;  
 baita ere zu zera,  
 maitetxo eztiya,  
 mundu ontako nere  
 desio guztiya.

### 2

Eziñ fiñago dala  
 da txit seguruba  
 zukanako dakatan  
 naitasun puruba;  
 beti dauzkat zugatik,  
 nere aiñgeruba,  
 sentitzen biyotza ta  
 pentsatzen buruba.

### 3

Ixilik gorde arren  
 asko dira penak,  
 nere biyotz gaxuan  
 zugatik daudenak;  
 biazuna baño're  
 miñkatsago denak,  
 bañan zuk nai ezkeru  
 goza litezkenak.

### 4

Dauzkatan pena oiek  
 ixilik gordeta,  
 uts biyurtuko dira  
 zuk nai zazu-eta;



bertatik jarriko naiz  
kontentuz beteta,  
neria izatera  
konforma zaite-ta.

### 5

Ez naiz mutill ederra,  
—au lana, au lana!—  
ez naiz aberatsa're,  
maitetxo laztana!  
Bañan biyotz bat badet  
oberik ez dana,  
betia zukanako  
amoriyozen dana.

### 6

Auxen eskeiñtzen dizut  
guztizko suabe,  
arren egiñ nazazu  
zuriaren jabe!  
Bestela penaz ill ta  
laister naiz lurrar be,  
bara ni eziñ bizi  
niteke zu gabe.

## Biyotz erituba

### 1

Askok diyote kantetan beti  
amore-kontu naizela,  
nik esaten det arriturikan  
motibo gabe daudela.  
Zer egin biat baldin zerubak  
doaitu banau orrela?  
Ez dute ikusten usaia mendak  
bere jatorrez dubela?  
Nere biyotzak amoriyua  
mendak usaia bezela.

### 2

Triste bizi naiz eta  
illko banitz obe,  
badauzkat biyotzian  
zenbait atsekabe;  
dama bat maitatzen det  
bañan... aren jabe  
sekulan izateko  
esperantza gabe.

### 3

Nere biyotz gaxua  
penatuba dago,  
eziñ egon liteke,  
ai!, penatubago;  
pasatzen ditutala  
aspaldiyan nago  
egunak triste eta  
gabak tristiago.

### 4

Amorez erituba  
zenbait denbora ontan,



gaurik ez det pasatzen  
soseguzko lotan;  
penaren kargarekiñ  
urtuta, frankotan  
kanpora irteten zait  
biyotza malkotan!

**5**

Auxen da miña laister  
ill biar naubena,  
kupitutzen ez bada  
senda lezakena;  
aiñ arkitutzen zaizkit  
sartubak barrena  
animan tristura ta  
biyotzian pena.

**6**

Biyotza eziñ jaso det,  
au karga barrenak!  
Iya gastatu zaizkit  
indarrrik geienak;  
ez luke xinistuko  
progratu ez dubenak,  
zenbat pisatzen duben  
egiyazko penak.

**7**

Anima tristurakiñ  
aiñ dakat negarti,  
nun egiñ al dezaken  
arriya bi parti;  
adorantzak ematen  
—belauniko beti!—  
biyotzian daukatan  
imajiña bati.

**8**

Zeñ ote dan eziñik  
kontura erori,

kutiziya jaioko  
zaiote askori;  
nik ordian ez diyot  
esango iñori,  
berak badaki eta  
bastante det ori.

**9**

Nere maitatuba da  
gutziz dama fiña,  
biyotz onekua ta  
ondo itzegiña;  
bentaja guztiyakiñ  
zerubak egiña,  
munduba pasatzeko  
lagun atsegiña.

**10**

Zertako desiatu  
ditu gauza on oiek  
nere biyotz koidatu  
gixaraxua onek?  
Kulparen kastigutzat  
datozkit pena obek,  
merezi dituala  
badakit neronek.

**11**

Aingeru zoragarri,  
mirabe laztana,  
pentsamentu nerian  
beti zauzkatana;  
biyotzaren erditik  
maite zaitutana,  
zu zera neretzako  
nai zinduzketana.

**12**

Nere amoriyua  
aiñ fiña izanik,





beti goguan zauzkat  
 aztu gabetanik;  
 ez da mundu guztiyan  
 iñor kapaz danik,  
 dama, zu maitatzeko  
 ainbeste nola nik.

### 13

Begiyaren aurrian  
 beti nai zinduzket,  
 ikusten ez bazaitut  
 naibagia maiz det;  
 gogoratu bageko  
 minuturik ez det,  
 amoriyoz maitatzen  
 ez daki nik bestek.

### 14

Etzaitut ikusitzen  
 desio ainbeste,  
 ditxa ori logratzen det  
 iñoiz edo beste;  
 eta ez detanian  
 logratzia uste,  
 ura triste ibiltzen naiz!  
 Jesus, ura triste!

### 15

Eziñ bizi zu gabe,  
 au amoriyua!  
 Logratzen ez bazaitut,  
 zer martiriyua!  
 Ez badezu desio  
 nere eriyua,  
 zuregan arkitzen da  
 erremeriyua.

### 16

Erregututzen dizut,  
 o Jesusen Ama,  
 nitaz kupi derilla  
 maite detan dama;  
 biurtzen badirazu  
 biyotzera kalma,  
 kantaz banatuko det  
 milagruen fama.



## Neskatxa bati mutill batek jarriak

1

Goguan izango det  
bai gaurko eguna,  
berriro biyok alkar  
ikusi deguna;  
auxen da ditxa eta  
auxen da fortuna,  
zergatikan zu zeran,  
maitetxo kutuna,  
nere asnasia ta  
nere osasuna.

2

Egiyazko amoriyoz  
nai dizutalako,  
zugatik pasatzen det  
naibagia franko;  
oraiñ au poza bistan  
zaukazkitalako!  
Aspaldiyan ikusi  
ez ziñdualako,  
ura bildurra nekan  
miñ zenubelako!

3

Nere biyotzak o zer  
poza duben artul!  
Onen golpiak eziñ  
ditut aguantatu;  
bere lekutik dabill  
navian faltatu,  
kanpora irten ez dediñ  
biar det kalkatu,  
gaxuak zuregana,  
nai luke saltatu!

4

Au nere zoramena  
zutzat gustatuta,  
bildur naiz gera nadiñ  
burutik galduta;  
ainbesteraño nago  
enamoratuta,  
nai badezu, oñetan  
belaunikatuta,  
adoratuko zaitut,  
agindu zazu-ta.

5

Zer ote da graziyan  
norbait erortzia!  
Zu zerala meriyo  
ai au erotzia!  
Frankotan gertatu zait  
gogora etortzia  
kanpan-torrian gora  
korrika iyotzia  
ta zure alabantzan  
kanpanak jotzia.

6

Nik eziñ xinistu det  
zuk esan dezula  
nere amoriyua  
dudan dakazula;  
arren, orlakorikan  
pentsa ez zazula,  
eta nai det seguru  
jakiñ dezazula  
beti bezela zure  
mende nakazula.



## 7

Fiñ nabillen edo ez  
ez zaudezen dudan,  
ara zer juramentu  
egingo dizuran  
aĩn amoriyo aundiz  
nola zu zaituran,  
maitatzen baldiñ badet  
besterik sekulan,  
ez dezatala izan  
parterik zeruban.

## 8

Zure grazietara  
oso zoratuba,  
biyotza sentitzen det  
enamoratuba;  
ni bizi naizen arte,  
baratz loratuba,  
dizdizara klarozko  
izar doratuba,  
ez zaizu faltatuko  
nork adoratuba!

## 9

Ala dirurizu ta  
zaukazkit loreztat,  
baratzakuak baño  
oraindik obetzat.  
Norentzako zera zu,  
loria, norentzat?  
Ez zenuke izan biar  
beste norentzat,  
baizikan biyotzetik  
nai dizun onentzat!

## 10

Lengo egun batian,  
—ai, San Antoniyo!—

doi-doi egiñ zeniran  
kalian ariyo;  
badakit, sobra dakit  
zer dala meriyo  
errezibitzen nazun  
orlako seriyo  
zuk asko merezi ta  
nik gutxi baliyo!

## 11

Aguro ezkontzeko  
dakat animua,  
bakarrik aspertu naiz,  
biat arrimua;  
obran zurekiñ jarri  
nai nuke asmua,  
bara, zumo gozodun  
marrubi umua,  
zu nere miñarentzat  
zera balsamua.

## 12

Aditzera detanez,  
dama begi alai,  
zure ondoren dabill  
makiña bat galai;  
bañan aietakorik  
ez omen dezu nai;  
bara ni nai banazu  
izan zuk senargai,  
konformatzen al zeran  
esan ez edo bai.

## 13

Bañan ikusten zaitut  
erantzun nai ezik,  
baietzik esan gabe,  
ain gutxi ezetzik;  
orla gelditutzia  
egin bage itzik,



ezin pentsa nezake  
dala beste gauzik,  
senartzako artu nai  
ez nazula baizik.

**14**

Senartzat nai al nazun  
egon naiz galdez ta,  
ez nazu baietz esan,  
ezetz ere ez-ta;  
ori zuk ez dirazu  
nai esan itzez ta,  
beste modu batera  
baliya zaitetz ta,  
igual da ematia  
kartaz errespuesta.

**15**

Baldiñ ez banaitzazu  
sartutzen gogora,  
ez det asko pasako  
erriyan denbora  
paraje abetatik  
juango naiz inñora,  
egun gutxiren barrun  
betiko kanpora,  
Buenos Aires'a edo  
Montevideo'ra.

**16**

*Au nik diyot:*

Ez dakit zer esaten  
ziyon errespuestan,  
baña nola mutilla  
Donostiya'n ez dan,  
falta zan egunetik  
pasa diranetan,  
onezkero sartu da,  
nere kontubetan,  
Montevideo'n edo  
Buenos Aires'etan.

## Domingo Kanpaña

Mando baten gañian  
Domingo Kanpaña,  
ez dijoa utsikan  
asto orren gaña;  
azpian dijoana  
mandua da, baña,  
gañekua ere bada  
azpikua aña:  
mando baten gañian  
bestia, alajaña!

\* \* \*

*Indalexio, Indalexio,  
Indalexio Moko,  
uste al dek, uste al dek  
ez autala joko?*

\* \* \*

Berriz esaten baidak  
Indalexio «Moko»,  
ezurak autsi arte  
ez aut nik lagako.



## 1

Aspaldiyan, Joxepa,  
famatuba zeunden,  
gu berriz ikusteko  
desiotan geunden;  
Ondarrabi aldian  
aditzen genduben  
dama bertsolari bat  
nola bazeguen,  
zeñak Euskalerrriyan  
parerik etzuben.

## 2

Egiyak ote ziran  
faenaren ots aiek,  
bixitatu zindugun  
zenbait jakiñ zalek,  
amar edo amabi  
donostiyatarrek;  
aiekiñ batian zan  
bizar aundi arrek,  
izkribatzen dizkitzu  
zuri bertso abek.

## 3

Ni bertsolariya naiz  
bañon det aditu  
ez nitzazula zuri  
ala iruritu;  
zuk orla pentsatzia  
ez da zer argitu  
nere jakinduririk  
ez nuben argitu,  
zergatikan ez nitzan  
premiyan arkitu.

## 4

Baliteke irixtia  
premiya orretara,  
agindu zenirala  
goguan det bara,  
prestaturikan nere  
desiuetara;  
baldiñ dibertsio bat  
nai banuben para,  
etorriko ziñala  
Errenteriya'ra.

## 5

Egizu naizunian,  
dama, etorrera,  
zuregan utzitzen det  
egunan aukera;  
ipintzen badirazu  
orrelako era,  
aprobetxatu gabe  
ez niteke gera,  
alkarrekiñ berriro  
mintzatuko gera.

## 6

Arkitzen baldin banaiz  
orduban umorez,  
proga emango dizut  
lenagoko ordez,  
beste iñori bañan  
gustorago doblez,  
gero juzga dezagun  
ezaguera obez,  
ia bertsolariya  
al naizen edo ez.



## Bertsolarien gudua

1

*Peruk:*

Aizak, Txanton, Premiñi  
 ik esan al diyok  
 ez dikala irabazten  
 bertsuetan iñork?  
 Beraz ni kontu ortan  
 ire mende niok?  
 Nola itz egiten dekan  
 ai, mutil, begirok!  
 Nai dek jai lenenguan  
 proga gaiten biyok?

2

*Txantonek:*

Egiya dek Premiñi  
 esan diyotala  
 bertsuetan guziyak  
 txautzen ditutala;  
 eta esan badiyot  
 Premiñi nik ala,  
 oraïndik niok itza  
 mantentzen detala.  
 Uste al dek esana  
 damutu zaitala?

3

*Peruk:*

Ez zaikala damutu  
 niok jakiñian,  
 jakiñ eta alare  
 sinist eziñian,  
 ez dala bertsolari  
 iñor i añian;  
 abillidade asko  
 dakak mingañian;

progatu nai induket  
 gauza orren gañian.  
 ..... 2

4

*Txantonek:*

[.....]

5

*Peruk:*

Gauza orren gañian  
 nai banak progatu,  
 Txanton Aritzpe'kua,  
 zer nai dek jokatu?  
 Orra kontra nork egin  
 aguro topatu.  
 Nai dituk amar ardi  
 demandan paratu,  
 zeñek ederragoko  
 [.....]

6

*Txantonek:*

Nere amar ardiyak  
 orra, Peru, emen,  
 esaminatu itzik  
 mardul ote daguen,  
 mardularen tartian  
 argalik daguen;  
 mira itzik banaka  
 bat bestien urren,  
 oiek ez ditek izan  
 falta belarraren.

7

*Peruk:*

Nere amar ardiyak  
 ona emen, Anton,  
 mira itzik banaka  
 argalikan dagon;



ez dituk iñoiz ere  
belar-faltan egon,  
ez diyotek tatzikan  
billatuko iñon,  
uste diat daudela  
iriak bezin on.

### 8

Txanton ikusitzen det  
onuntz datorrela,  
Matspe'ko Martin jauna  
jueztzat dubela;  
ederki etorriya  
izan deriyela,  
orrek juzgatuko du  
gauza dan bezela,  
ero mundu ontako  
iñork ez bestela.

### 9

Garai'ko Premiñ dator  
juez Perurentzat,  
gizon obiagorik  
ez dala deritzat;  
ondo portatu izan da  
orain arte beintzat,  
mundu guziyan dago  
prestu eta fintzat,  
orrek ez du juzgatzen  
gorriya urdintzat.

### 10

Garai'ko Premiñentzat  
ez da zer esanik,  
sekulan ez du egiñ  
biar eztan lanik;  
gizon fiñagoen bat  
mundu ontan danik

izan liteke baño  
sinisten ez det nik,  
fiya liteke orrengan  
kezka gabetanik.

### 11

Martin Matspe'kuagan  
fiyatu zaitetze,  
gizon oberik iñon  
danik ez det uste;  
zeok zeon jueztzat  
jarri gaituzute,  
gugana konfiantza  
beraz badezute.  
[.....]

### 12

Txanton, neri ardiyak  
ik irabazi? Ai!  
Koitadu triste orrek  
ez uke gutxi nai!  
Desiatzen dek baño  
ez aiz ordia gai,  
gizarajua orrek  
etsi ezakek, bai,  
alperrik egon gabe  
ardiya oben zai.



## Orentzaro

### 1

Zai egoten naiz luzaro  
eldu dedin Orentzaro,  
zergatik dan eguna  
zelebratzen deguna  
bazkariz eta afariz  
eldutzen dan ainbat aldiz.

### 2

Orentzaro izan ezkerro,  
gure etxian urtero,  
nola oroitzen zaitan,  
egun artan bazkaitan  
ez da, ez, izango falta  
eltzian odolki galanta.

### 3

Afari oberik berdin  
ez du beste inork egin;  
ez pezeta franko're  
kostatu bazaio're  
ostaturik onenian:  
Martín Ezkurra'renien.

### 4

Orduko nere gloriyan,  
dantzan asteko zoriyan  
jartzen naiz geienian,  
egiten dutenian  
arduak botillan *dun dun dun*,  
gaztañak surtan *pun, pun, pun*.

## Kanpuan da

### 1

Izar maite nubena  
ain biyotz guztitik  
juan zan Donosti'tik;  
orain neregandikan  
irrutiyen dago,  
bañan goguan dakat  
juan baño lenago  
itza eman zirala  
denbora gutxi barrun  
etorriko zala.

### 2

Tristetan aundi bat  
juan zan ezkerotik  
senti det geroztik;  
zierto dakit ordia,  
berri neregana  
etorritzen danian  
ain maite derana,  
poztuko naizela  
goizaren etorreran  
txoriya bezela.

### 3

Dagolarikan ere  
nigandik irruiti  
ikusten det beti  
erritikan juan arren  
oroitzatik eziñ;  
zerubaren erdiyan  
izar batek beziñ  
argitasun aundiz,  
nere pentsamentuban  
egiten du diz diz.





## 4

Desiatuba nago  
 etorri deriyen  
 alegra nariyen;  
 kontentu biziko naiz  
 andikan aurrera,  
 maitetxo neriaren  
 edertasunera  
 itxutuba oso;  
 emango diyozkat, bai,  
 milla laztan gozo.

**Pobriaren suertia**

Beste alibiyorik  
 pobriak ez daka  
 negarrez jaio eta  
 bizi arrastaka,  
 galtzarbian kolkuan  
 nun-nai arraskaka,  
 erropetan koipia,  
 zikiña ta kaka.  
 Jendiak ikustian  
 artutzen du lazka,  
 danak pasatzen zaizka  
 ondotik presaka;  
 nai baldin badu ibilli  
 kalian bueltaka,  
 ateratu orduko  
 etxetikan anka,  
 mutill txikiyak ditu  
 atzetik millaka,  
 azanariyo ero  
 patata tiraka;  
 zakurrak ere asten  
 zaiozka zaunkaka,  
 aberiak tiratzen  
 diyote pullanka;  
 danak, kristau ta abere,  
 guziyak txandaka  
 gizarajua dute  
 ibiltzen burlaka;  
 batek obe luke izan  
 pobre bañon kaka.



## Sartzia soldadu

### 1

Penetan daramazkit  
 eguna ta gaba,  
 poz bat sentitu gabe,  
 au suerte billaba!  
 Gosaritzat talua  
 eta bakallaba,  
 bazkaitan katillu bat  
 salda ta sei baba,  
 amalau jango eta  
 bi sardin afaldu,  
 batek ez luke obe  
 sartzia soldadu?

### 2

Urrikigarriya da  
 nere izaera  
 goizero nai ta nai ez  
 juan biar lanera,  
 egarritutzen banaiz  
 ura eratera...  
 Nik orla zer [.....]  
 nezake atera?  
 Ezer sobratu ez ta  
 osasuna galdu;  
 ez det ondo egingo  
 sartzia soldadu?

### 3

Kontuz ibilli arren  
 eta juiziyuan,  
 iñor aberasten ez  
 da ofiziyuan.  
 Ni lanakin ibilli  
 beti sesiyuan?

Erremientak norbaiti  
 erdi preziyuan  
 ero kasik debalde  
 al banizka saldu,  
 biyartikan sartuko  
 nitzake soldadu.

### 4

Jaunak, ariyarazi  
 ez liteke itzez  
 zein aspertuba nagon  
 onela bizitzez,  
 beti negarrez eta  
 penetan ibiltzez,  
 jornal txikiyaren truk  
 lanian aritzez;  
 batek beti onela  
 bizi bear badu,  
 ez du gaiki egingo  
 sartzia soldadu.



## Zortziko

Ikusi-ta desgrazi  
eritubarena,  
penaz nori etzaio  
urtzen biyotz dena?  
Da oieri ematea  
nork al dezakena,  
zeruba irabazteko  
obrarik onena.

## Pagatzalle on bat

Egun batian juan zan  
gizon bat kafera,  
beste askoren gisa  
zerbait artutzera,  
eta ango mutillak  
al zuben lenena  
eraman ziyon berak  
eskatu zubena.  
Sillan ixiririkan  
denkantsu onian,  
komeni zitzaiona  
artu zubenian,  
oju bat egin zuben  
soñu aundikua,  
zeñetan deitu zuben  
«Aizak, mutikua  
Ua galdetutzera  
nagusiyagana  
zenbat pagatutzen dan  
nik artu derana.»  
Seiak ekarri ziyon  
zuzen mandatuba  
«Jauna, bost errial da  
bedorren kontuba.»  
Gizona ordubantxe  
trantzian zeguen,  
pezeta bat bakarra  
besterik etzuen,  
eta eskañi ziyon  
esanaz seriyo  
«To, eta nausiyari  
eraman akiyo.»  
Mutillak esan ziyon  
artu ordurako



«Errial bat falta du  
emen konturako.»  
Arrek erantzun ziyon  
bere-beriala,  
len alegiya ez aitu:  
«Zenbat: erriala?  
Ik ez dirak serbitu  
mandatugilletzat?  
Bien, errial ori  
gorde zak iretzat!»

## Begirozute, pikadoriak

Jaunak, seguru nago,  
gaur arratsaldian  
pikadoriak ondo  
portatu baziran,  
festa ederra izango zan,  
zezen onak ziran;  
bañan, pikadoriak?  
Beti pikardiyan!  
Zezen bat on samarra  
irtentzen danian,  
etzaiozka jarritzen  
aurreko aldan,  
nola itzul egiña  
dakaten artian.  
Eta suertatzen bada  
txiripa batian  
zezen bat txit brabua  
bere errabiyen,  
pikara sartzen dana  
furiya aundiyan,  
zer egiten diyote?  
Urrengo sartzian  
pika jartzen diyote  
besoen gañian;  
eta sartu ezkeron  
pika bein andikan,  
zezen gizarajuak  
ez du indarrikan,  
kojo gelditutzen da  
beso artatikan,  
eta berriz pikara  
egotsigatikan,  
ez diyo zalduyari  
sartzen adarrikan,  
beso-buruban dakan



eridagatikan;  
 bañan presidentiak  
 ala pikatzian  
 deituko baliyoke  
 instante batian,  
 eta bere aurrera  
 etortzen danian  
 esango baliyoke  
*«Atienda V., perillán:  
 por haber espaldillado  
 de ese modo al animal,  
 300 reales de multa!  
 Y páguelos sin replicar,  
 y tenga V. mucho cuidado  
 en no volver a espaldillar,  
 porque entonces, se lo advierto,  
 multa doble recibirá.»*  
 Gaur egin baldin bazan  
 ori Donostiya'n  
 orduban seguru naiz,  
 txit seguru, biyar  
 ez pagatziagatik  
 iru eun errial,  
 pikatuko zutela  
 biar dan legian.  
 Bañan gaur orren ondo  
 nola irten diran,  
 pikatuko dituzte  
 gaur bezela biyar.  
 Au aritu niyon nik  
 atzo arratsian  
 gizon sudur motz bati  
 taberna batian.

## Arotz bati ziyoten...

### 1

Arotz bati ziyoten  
 mandatuba laja:  
 al zuben azkarrena  
 egiteko kaja,  
 Don Gaspar Lizarralde  
 ipigandu zediñ.

### 2

Arotzak esan ziyon  
 mandatariyari  
 «Nik artu biar diyot  
 neurriya berari,  
 kaja gorputzarentzat  
 justu irten dediñ.

### 3

Eta nora juango naiz  
 artzera neurriya?»  
 «Done Migel kalera,  
 etxe bat berriya  
 an ikusiko dezu  
 balkoi urdin duna.

### 4

Bigarren bizitzara  
 juan zaitia billa,  
 an arkituko dezu,  
 pulmoniyak illa,  
 kaja lenbailen egiñ  
 biar diyozuna.»

### 5

Juan zan gure arotza  
 listoi bat artuta,



eta, esan ziyoten  
 etxera sartuta,  
 bigarren bizitzara  
 iyo zan aguro.

### 6

Bañan iyo zanian  
 kezketan jarri zan,  
 okerreko lekuba  
 zitekela izan;  
 pixka bat duda-mudan  
 egon eta gero,

### 7

bi golpe atiari  
 eman zizkan: Da! Da!  
 Eta irten zanari  
 egin ziyon galda:  
 «Don Gaspar Lizarralde  
 emen bizi al da?»

## Konfessoriagana

Konfessoriagana  
 juan zan Marzelina,  
 gero konfesa zedin  
 artzera dotrina;  
 bañan guziz gorra zan  
 Marzelina ori,  
 etziyon kasik itzik  
 aditzen iñori.  
 Apaizak, beste gauza  
 batzuben urrena,  
 galdia egin ziyon:  
 «Zein da seigarrena?»  
 Gaixuak, nola zan aiñ  
 gorrera aundikoa,  
 galdetzen ziyolako  
 «Zein da Jaungoikoa?»,  
 erresponditu ziyon  
 al zuben lenena  
 «Da pentsatu liteken  
 gauzik ederrena.»



Apirillaren lagun elkarra,  
saroi berdeko alaitasuna,  
Ama Venus'en asnase biguñ,  
aize laguna.

Zuk badakizu zenbateraño  
arkitzen naizen penaz beterik,  
zeren ez nazun entzun izandu  
kejak besterik.

Eraman izan dituzu iñoiz  
neriak zenbait adi ta negar,  
mendirik mendi, saroirik saroi,  
ibarririk ibar.

Zuaz ta esan zaiozu nere  
anyerusari, noizbait bezela  
ez baldiñ banau berriz maitatzen,  
ilko naizela.

Nere miñaren berri lenago  
jakiten zuben; eta ni miñez  
negon guzian, bera egoten zan  
negar egiñez.

Zori obeko beste denboraz  
maite ninduben eziñ geiago;  
beste denboraz... bañan, ai!, orain  
aserre dago.

Zuaz aguro, zuaz korrika,  
zuaz lasterka, egan juan zaite,  
eta esaiozu ilko naizela  
ez banau maite.

Ala jaungoiko diran guziyak  
amoriyua dezaizutela,  
ala zerubak zure zori ona  
nai dezatela.

Eta zuk egan ibillitzeko  
zein denboretan dezun atsegiñ,  
ez dezatela sekulan elur  
osto bat egiñ.

Aiñ gutxiyago ditzala iñoiz  
oroi beltzaren kaskarabarrak  
eritu zure lore ostozko  
ego ñabarrak.



## Zaldun gazte

### 1

Zaldun gazte bozal egoki batek  
 esan ziyon batian Filys'i:  
 «Zeru eder maite maitagarriya,  
 nai al dezu zuk nerekin bizi?  
 Aberatsa naiz zuri kunplitzeko  
 nai dituzun ainbeste kutizi;  
 ukatzeko prebenitu baña len  
 ondo pentsatu zazu lenbizi.»

### 2

Galaiaari esan ziyon Filys'ek:  
 «Nere aurretik zuaz beriala!  
 Uste al dezu lenagoko faltsiyak  
 orren laster aztu zaizkirala?  
 Igartzen det zure eskeñi denak  
 fiñtasunik gabiak dirala;  
 naiago det onrakin pobre bizi,  
 ez aberats onrik ez derala.»

## Dolores'i

Zeiñ dan nai al zenuke  
 jakiñ, daguena  
 nere biyotz gaxuan  
 sartuba barrena?  
 Bai? Banekiyen zala  
 naiko zenubena;  
 beraz, jakiñ dezazun  
 alik laisterrena,  
 eskribitzera nua  
 D ta O aurrena,  
 L eta berriz O  
 eleren urrena,  
 R ta E ondoren  
 S bat azkena;  
 oraiñ letzen badezu  
 segiruban dena,  
 nere maite politak  
 orla du izena.





## Azkenengo bertsoa

Nik au pentsatu nuben  
beñ zu ikusita:  
Ori bai dala guztiz  
neskatxa polita!  
Nai balu nere izan,  
gaude ezkongai-ta  
maiteko nuke nola  
ama eta aita,  
nere biziya baño  
geiago're baita.